

PRIJEDLOG

Na osnovu člana 8. stav 4. Zakona o komunalnim djelatnostima („Službene novine Zeničko-dobojskog kantona“ 17/08) a u vezi sa članom 5. Odluke o organizovanju Komunalnog javnog društva d.o.o. Maglaj broj: 02-05-1-1019/08 od 30.06.2008. godine i člana 18. Statuta Općine Maglaj („Službene novine Općine Maglaj“ broj 8/07, 3/08 i 6/08), Općinsko vijeće Općine Maglaj na sjednici održanoj dana _____ 2020. godine, d o n o s i

ODLUKU o upravljanju izgrađenim objektom Prve faze primarne vodovodne mreže Poslovne zone Misurići, Općina Maglaj

Član 1.

Ovom Odlukom odobrava se upravljanje izgrađenim objektom Prve faze primarne vodovodne mreže Poslovne zone Misurići, Općina Maglaj, Komunalnom javnom društvu Maglaj, za koji je izdato odobrenje za upotrebu broj: 05-23-5-1331/19 od 11.06.2020.godine.

Član 2.

Komunalno javno društvo Maglaj će upravljati objektom Prve faze primarne vodovodne mreže Poslovne zone Misurići općina Maglaj i to na potezu od postojećeg glavnog čvorišta vodovodnog okna (GČVO V1.1), na zemljištu označenom sa k.č.broj 1131/1 k.o. Maglaj, odakle se dalje pruža jugozapadno u dužini 531,0 m paralelno sa postojećom asfaltnom pješačkom stazom na udaljenosti od iste od 5,0 – 10,0 m, pa sve do poslovnog objekta TC „Bingo“ gdje se nalazi čvorno vodovodno okno (ČVO V2.2), na zemljištu označenom sa k.č.broj 1319/1, čime se završava ova dionica trase vodovoda.

Član 3.

Uslovi oko upravljanja izgrađenim objektom dijela primarne vodovodne mreže za dio naselja Misurići općina Maglaj, definisani su odredbama Odluke o vodovodu i kanalizaciji „Službene novine Općine Maglaj“ broj 09/03).

Član 4.

Ova Odluka stupa na snagu danom donošenja i ima se objaviti u Službenim novinama općine Maglaj.

Broj:
Datum: 2020.godine

Predsjedavajuća OV
Svjetlana Zamboni

Obrazloženje


Pravni osnov za donošenje ove Odluke je član 8. stav 4. Zakona o komunalnim djelatnostima (Službene novine Zeničko-dobojskog kantona“ broj 17/08), kojim je utvrđeno da „Izuzetno snabdijevanje pitkom vodom stanovništva mogu se baviti samo javna preduzeća“, a u vezi sa članom 3. stav 1. tačka a) kojim je regulasano šta se podrazumjeva pod komunalnom djelatnosti, te da je to između ostalog „snabdijevanje pitkom vodom“ i član 6. kojim je određeno da “Općina obezbjeđuje obavljanje komunalnih djelatnosti određenih ovim zakonom“.

Općina Maglaj je obezbjedila finansijska sredstva i izgradila Prvu fazu vodovodne primarne mreže poslovne zone Misurići, u prostornom obuhvatu između magistralnog puta M-17 i željezničke pruge Šamac-Sarajevo u naselju Misurići, gdje trasa Prve faze vodovodne primarne mreže poslovne zone Misurići, polazi od postojećeg glavnog čvorišta vodovodnog okna (GČVO V1.1), na zemljištu označenom sa k.č.broj 1131/1 k.o. Maglaj, odakle se dalje pruža jugozapadno u dužini 531,0 m paralelno sa postojećom asfaltnom pješačkom stazom na udaljenosti od iste od 5,0 – 10,0 m, pa sve do poslovnog objekta TC „Bingo“ gdje se nalazi čvorno vodovodno okno (ČVO V2.2), na zemljištu označenom sa k.č.broj 1319/1, čime se završava ova dinica trase vodovoda.

Nakon završetka radova izvršen je tehnički pregled izvedenih radova i izdata je upotrebna dozvola za Prvu fazu vodovodne primarne mreže poslovne zone Misurići broj: 05-23-5-1331/19 od 11.06.2020. godine.

Zbog gore navedenog Služba je pripremila prijedlog Odluke i predlaže Općinskom vijeću da usvoji Prijedlog Odluke o upravljanju izgrađenim objektom Prve faze primarne vodovodne mreže Poslovne zone Misurići, Općina Maglaj, Komunalnom javnom društvu Maglaj.

Obrađivač:

Saračević Jasminka, dipl.pravnik 

Kontrolor.

Čatić Nedžad, dipl.ing.geodezije 



Predlagač

Načelnik općine

Mirsad Mahmutagić 